

K 1972
4

16.972
Kv

63.12/42
ეროვნული
ბიბლიოთეკა

საქართველოს პრესაგაზეტო კალსურულ-მანქანათმშენებელი მანქანათმშენებელი
და საქართველოს ჯანმრთელობის სს. კომისიისათვის ჟურნალთა სამმართველო

სკპ-2000
შემოწმებულია

კურტრტი ბორჯომი და მისი მიწათმფლობელები

(ექსკურსიის მოკლე თანამგზავრი)

კურტრტი ბორჯომი მდებარეობს ტფილისის დასავლეთით 159 კილომეტრის მანძილზე და სადგ. ხაშურიდან 28 კილომეტრის მანძილზე. ბორჯომის გეოგრაფიული მდებარეობა განისაზღვრება ჩრდილო სივრცის 41° 50', აღმოსავლეთ სივრცის 41° 24' და 806 მეტრი სიმაღლე ზღვის დონედან.

ბორჯომის მხარე იმყოფება მდ. მდ. მტკვრის, შავი-წყლის და გუჯარეთის-წყლის ხეობაში.

ბორჯომის მხარე განთქმულია ცნობილი მინერალური წყლებით, შესანიშნავი ჰავით და ხელუხლებელი ტყეებით.

ეს მამული, რომელიც 1917 წლ. რევოლუციამდე ეკუთვნოდა მიხეილ ნიკოლოზის ძე რომანოვს, რევოლუციის შემდეგ ნაციონალიზაცია-ქმნილად გამოცხადდა, და ამჟამად წარმოადგენს შესანიშნავ სამკურნალო ადგილს, სადაც მრავალი ათასი მშრომელი ისვენებს და პოულობს გაჯანსაღებას.

თითქმის ყოველი მხრიდან ბორჯომის ხეობა გარშემორტყმულია მთებით, რომელთა სიმაღლე 1500—3000 მეტრს აღწევს.

მდ. შავი-წყალი (რუსები მას შეცდომით „ბორჯომკა“-ს უწოდებენ) და გუჯარეთის-წყალი (ამ მდინარესაც შეცდომით „შავ-წყალს“ უწოდებენ) წარმოადგენენ მთის ტიპიურ მდინარეებს, რომლებიც სწრაფი დენით მიემართებიან ღრმა და ვიწრო ხეობაში. ორივე მდინარე მტკვარს ერთვის, საიდანაც ტფილისამდე ხე-ტყის ტივები ჩამოაქვთ.

მთის ფერდობები მშვენიერი ტყეებითაა დაბურული, რომლის სივრცე ბორჯომის მამულის ფარგლებში 31.125 ჰექტარს უდრის (28.490 დესიატინა). აქედან 48,8% ხედიბა წიწვიანს, ხოლო 51,2% ფოთლიან ტყეს.

ბორჯომის ჰავა ზომიერია, საშუალო წლიური ტემპერატურით 9,1°, რის გამოც იგი ფრიად ხელსაყრელ პირობებს ქმნის ქვით დაავადებულ, სუსტ და სისხლნაკლულ ავადმყოფთათვის. ბორჯომიდან—მაღალი მთებისაკენ ჰავა შესამჩნევად იცვლება და ამიტომ ბორჯომის ხეობის ყველა საგარეო ადგილებიდან ბორჯომის ჰავა შედარებით უფრო თბილია. ხეობის დანარჩენი ადგილები (წალკური, ცეში, ლიბანი, ბაკურიანი) შესანიშნავ სამთო-კლიმატურ სადგურებს წარმოადგენენ. თუ როგორ იცვლება ხეობის ჰავა ადგილმდებარეობის მიხედვით, თვალნათლივ სჩანს შემდეგი ცხრილიდან:

აგარაკების დასახელება	სიმაღლე მეტრებში ზღვის დო- ნედან	წლიური ტე- მპერატურა (საშუალო)	ნალექების რაოდენობა წლიურად (მილიმეტრ.)	წვიმიანი დღეების რაოდენობა წელიწადში	ყინვიანი დღეების რაოდენობა წელიწადში
ბორჯომი . . .	806	9, 1 ⁰	567	130	136
ცემა	1116	7, 3 ⁰	596	138	154
ბაკურიანი . . .	1662	4, 7 ⁰	812	160	186

უფრო წვიმიან თვეებათ მაისი და ივნისი უნდა ჩაითვალოს. ივლისიდან სექტემბრამდე და აგრეთვე ზამთარში მზიანი დღეების რიცხვი საკმარისად დიდია. თოვლი ბორჯომში და ცემაში ძეგს 4 თვის, ხოლო ბაკურიანში 5 თვის განმავლობაში.

მდ. შავი-წყლის („ბორჯომკა“-ს) ღრმა და ლამაზ ხეობაში გაშენებულია პარკი, სადაც მიწის ზედაპირზე ამოდის სამკურნალო წყლები: ეკატერინეს წყარო 6.327 ლიტრად წყლის დეგერით და ევკენის წყარო—1.680 ლიტრად. წყლის დეგერით დღეღამეში. ორივე ეს წყარო უკვე დიდი ხანია განთქმულია არა მარტოოდენ საქართველოში და საბჭოთა კავშირში, არამედ ევროპასა და ამერიკაშიაც.

ბორჯომის ტუტე-ნახშირმჟავა მინერალური წყლები უმთავრესად სასმელი წყლებია. მას აგრეთვე აბაზანების მისაღებად ხმარობენ. აღნიშნული წყალი სამკურნალო მიზნით იხმარება შემდეგი დაავადების დროს:

1. კუჭ-ნაწლავების დაავადების დროს (კატარი, იარა, სიმკვევების მოქარბება, დისპეზია);

2. თირკმლების კურკლის, საშარდე ბუშტის და შარდსაწვეთის კატარის დროს, საშარდე ბუშტის და თირკმლების ქვის დროს;

3. ნალექლას სადენი გზების კატარის დროს, კატარალური სიყვითლისა და ნალექლას ქვის დროს;

4. პლავრის დროს;

5. თირკმლების დიატეზის, ქონიანი გადაგვარების, შაქრის სნეულების და ქრონიკული რევმატიზმის დროს;

6. ზედა სასუნთქი გზების და სასის ქრონიკული კატარის დროს.

პარკის მთავარი ხეივანი მიჰყვება მდინარის გასწვრივ ზევითკენ. მდინარეზე გადავლებულია რამოდენიმე ლამაზად ნაკეთები ხიდი. ბორჯომის პლატოდან საგრძნობი სიმაღლიდან მდინარეში ვარდება ჩანჩქერი, რომელიც საუცხოო სანახავია. ერთ-ერთი ბილიკი ბორჯომის პლატოზე ადის (965 მეტრი ზღვის დონედან), რომელიც ლავისებურ საფარს წარმოადგენს. ეს ლავა ჩამოსულია ამაჟამად ჩამქრალ ვულკანიდან—ცხრა-წყაროდან. პლატო მდებარეობს მდ. მდ. შავ-წყალსა და გუჯარეთის-წყალს შუა და სრულებით დაფარულია წიწვიანი ტყით, აქ რამოდენიმე დასასვენებელი სახლია აგებული.

პარკის შესავალთან იმყოფება მინერალური წყლების ქარხანა, სადაც ხდება ბორჯომის წყლის ფილტრაცია (დაწმენდა), ნახშირორჟანგით შეზავება და ბოთლებში ჩასხმა. 1927 წლის განმავლობაში ჩასხმული იყო 7.200.000 ბოთლი წყალი, ხოლო გაიყიდა ამავე წელს თითქმის 3.000.000 მანეთის წყალი.

ქარხანაში შესანიშნავადაა მოწყობილი საგზო განყოფილება, სადაც მზადდება თხიერი ნახშირორჟანგი, რომლის ნაწილიც ხმარდება საექსპორტო მინერალური წყლების შეზავებას, ხოლო ნაწილი საღებავი ამიერ-კავკასიის სხვადასხვა ადგილებში.

საქართველოს გასაბჭოების დღიდან საქართველოს კურორტთა სამმართველო ყოველმხრივად უწყობს ხელს ბორჯომის კურორტის გაუმჯობესებას და კეთილმოწყობას და გადააქცია კიდევ იგი მშრომელთა ვაჯანსაღების ადგილათ, სასახლეები, რომელიც წინა დიდ თავადებს (მეფის საგვარეულოს) ეკუთვნოდა, ეხლა გადაკეთებულია სანატორიუმებათ; 1925 წლიდან აგებულია და მუშაობს პოლიკლინიკა ყოველგვარი სნეულების სამკურნალოდ. აქვე იმყოფება მუდმივი საავადმყოფო.

ყოფ. მიხეილის სასახლეში, მტკვრის მარცხენა ნაპირზე, მოთავსებულია სანატორიუმი № 1 ამხ. მახარაძის სახელობის, ტერაპევტიკულ ავადმყოფთათვის. სასახლის გარშემო საუცხოვო ბაღია გაშენებული. ყოფ. სერგის სასახლეში, რომელიც მაღალ ადგილზე იმყოფება, მოთავსებულია სანატორიუმი № 2.

პარკის შესავალთან, ყოფ. სასტუმრო „ფირუზი“-ს შენობაში, მოთავსებულია ამჟამად საქ. სოცდაზღვევის კომიტეტის დასასვენებელი სახლი.

ბორჯომიდან სამი კილომეტრის მანძილზე, მტკვრის მარცხენა ნაპირზე, მდებარეობს რენესანსის სტილის მიხედვით აგებული ლიკანის სასახლე, რომელიც ამჟამად პასუხისმგებელი პარტმუშაკების დასასვენებელ სახლს წარმოადგენს. სასახლე თუმცა დიდი არაა, მაგრამ მეტად ლამაზად და თანაც სადითაა აგებული. აშენებულია იგი აკად. ნ. ლ. ბენუას გეგმის მიხედვით.

მინერალური წყლების პარკში იმყოფება ჰიდრო-ელექტროსადგური, რომელიც აწვდის ელექტრონის ენერგიას ბორჯომსა და მის რაიონს. აქვე პარკში მოთავსებულია მეტეოროლოგიური სადგური სეისმიური განყოფილებით.

იმ ადგილას, სადაც მდ. მტკვარს ერთვის გუჯარეთის-წყალი, ანუ—როგორც მას აქ უწოდებენ—„ჩარხის-წყალი“, იმყოფება სადგური ბორჯომი. აქვეა დასახლებული ადგილიც. ესაა ბორჯომის მუშათა უბანი.

მინის ქარხანა, რომელიც ამავე ადგილას მდებარეობს, ამჟამად უმთავრესად ქურქელს (ბოთლებს) ბორჯომის მინერალური წყლების გასაზიდად.

ხე-ტყის ქარხანა ამჟამად დიდძალ სამაშენებლო მასალას და აგრეთვე ფიცრის ყუთებს ბორჯომის წყლის გასაზიდად. რამოდენიმე ხნის წინა დროს აქ ტყეის ქარხანა, რომელიც ამჟამად წიფლის ტყეის კარაქის გასაზიდად საბჭოთა კავშირიდან უცხოეთში. აქვეა მოთავსებული რკინის გზის დეპოც.

ქალაქში რამოდენიმე სასტუმროა, მრავლად მოიპოვება აგრეთვე როგორც საბჭოთა, ისე კერძო აგარაკები (სახლები); არის აგრეთვე ფოსტა, ტელეგრაფი, ტელეფონი (როგორც საქალაქო, ისე საქალაქთაშორისო), სასადილოები, რეს-

ჩ. 1922
4

ტორანები, თეატრი, კინო თეატრი და სხვ. მოწყობილია მუდმივი მიმოსვლა ავტომობილით ახალციხე-ბასთუმანთან.

ბორჯომის მოსახლეობა 1926 წლ. აღწერით 5.243 სულს შეადგენს.

ბორჯომიდან ბაკურიანისაკენ მიდის ბაკურიანის ვიწრო-ლიანდაგიანი რკინის გზა, სიგრძით 40 კილომეტრამდე. ეს გზა გაივლის მდ. გუჯარეთის-წყლის ხეობაში მდებარე აგარაკებზე. არის აგრეთვე გზატკეცილი ახალქალაქი-საკენ, რომელიც ბაკურიანზე გაივლის. მე-12 კილომეტრზე გზატკეცილი უხვევს დაბის ჩანჩქერისაკენ და დაბის მონასტრის (დაარსებულია 1175 წ.) ნანგრევებისაკენ.

წალვერი (1.022 მეტრი სიმაღლე ზღვის დონედან) მდებარეობს მდ. გუჯარეთის-წყლის ორივე ნაპირზე და იმყოფება 15 კილომეტრის მანძილზე ბორჯომიდან. წალვერი ცნობილია მთიანი ჰავით და მჟავე (რკინიან-ტუტნიანი) წყლებით, რომელიც სისხლნაკულობის და საერთო დაავადებების წინააღმდეგ იხმარება. საუკეთესო აგარაკები იმყოფება საქ. სოცდაზღვევის კომიტეტის გამგებლობაში და წარმოადგენს ადგილს მშრომელთა დასასვენებლად. დასასვენებელი სახლები აგებულია უმთავრესად კენხობში, რომელიც საუკეთესო ადგილია მთელს წალვერში. კურორტთა სამმართველოს აქ გახსნილი აქვს პანსიონატი. მრავლად მოიპოვება აგრეთვე კერძო აგარაკები, არის ფოსტის განყოფილება, ბაზარი, ტელეგრაფი და ტელეფონი ბორჯომთან.

წალვერიდან 4 კილომეტრის მანძილზე მდებარეობს მონასტერი ტიმოთეს-უბანი (დაარს. XII—XIII საუკ.).

ცემი წარმოადგენს მთიან კლიმატიურ სადგურს ჭლექით დაავადებულთათვის. იმყოფება 1.116 მეტრის სიმაღლეზე ზღვის დონედან. ცემის ახლომახლო ადგილები დაფარულია ნაძვნარ-თუჩენარით. სადგურის მახლობლად იმყოფება რკინისგზელთა სანატორიუმი.

ლიბანი მდებარეობს 1.368 მეტრის სიმაღლეზე ზღვის დონედან. რკინის გზათა დამზღვევი სალაროს მიერ აქ აგებულია შესანიშნავი სანატორიუმი, რომელიც მთელი წლის განმავლობაში განუწყვეტლივ მუშაობს. სადგურ ლიბანის მახლობლად იმყოფება ეგრ. წოდ. „მომხიბლავი მოედანი“, საიდანაც ახლომახლო მიდამოები საუცხოვო სანახაობას წარმოადგენს.

პატარა ცემი—ესაა სანატორიუმი 1.370 მეტრის სიმაღლეზე ზღვის დონედან. გასაბჭოებამდე სანატორიუმი ეკუთვნოდა ექიმ ვ. ლამაზიძეს. აქ მოწყობილი იყო საბავშვო სანატორიუმი. ამჟამად სანატორიუმი ეკუთვნის საქ. კურორტთა სამმართველოს. სანატორიუმში სამკურნალოდ იგზავნებიან ჭლექით ავადმყოფები (არის 50 საწოლი). ავადმყოფებზე საუცხოვოდ მოქმედობს შესანიშნავი მთის ჰავა, დიდი ინსოლაცია, უქარობა და სრული სიწყნარე (სანატორიუმს გარდა აქ სხვა საცხოვრებელი სახლები არაა).

ბაკურიანი წარმოადგენს მთიან კლიმატიურ სადგურს და მდებარეობს 1.662 მეტრის სიმაღლეზე ზღვის დონედან. ამნაირად ბაკურიანი საქართველოს სხვა კურორტებს შორის თავისი სიმაღლით ჩამოუვარდება მხოლოდ ბახმაროს (1.836 მეტრის სიმაღლეზეა ზღვის დონედან). ეს უდიდესი აღმართი ბორჯომიდან ბაკურიანამდე იმნაირადაა გამოყენებული, რომ ყოველი კილომეტრის მან-

ძილზე რკინის გზა იწევს მაღლა 17 საენით. ბაკურიანში ისეთივე მდიდარი მცენარეულობაა და ტყეები, როგორც საერთოდ მთელს ხეობაში. ტყეებთან ერთად აქ გვხვდება საუცხოვო მალაშთიანი სათიბები და საძოვრები.

ბაკურიანში ცხოვრობენ ქართველები, ოსები, ბერძნები და უკრაინელები (ესენი დასახლა აქ ვორონცოვმა 1823 წ.). მოსახლეობა უმთავრესად ტყის მრეწველობას და მეჯოგეობას მისდევს. ბაკურიანში არის 147 კომლი და ირიცხება 900 კაცი მცხოვრები. რკინის გზის სადგურთან არსებობს ტელეგრაფი, ფოსტა და ტელეფონი ბორჯომთან. არის აფთიაქიც. ტფილისის სახელმწიფო უნივერსიტეტს ბაკურიანში აქვს საკუთარი აგარაკი, სადაც სტუდენტები ზაფხულობით პროფესორების ხელმძღვანელობით მუშაობენ ტყის მეურნეობის შესასწავლად.

1880 მეტრის სიმაღლეზე ზღვის დონედან მდებარეობს ტფილისის ბოტანიკური ბაღის ბაკურიანის განყოფილება, სადაც გვაქვს კავკასიის მაღალმთიანი ზოლის ცოცხალი გერბარიუმი. აქ სწარმოებს სამეცნიერო მუშაობა, დაკვირვებანი და ცდები.

ბაკურიანიდან 7—8 კილომეტრის მანძილზე მდებარეობს სოფ. ციხის-ჯვარი, რომლის მახლობლად იმყოფება ცხელი გოგირდის წყარო (32°). ხსენებულ სოფელში მოწყობილია საქ. კურორტთა სამმართველოს სარძეო ფერმა, რომელიც აწვდის რძეს ბორჯომის ხეობის ყველა სანატორიუმებს. აქვე იმყოფება საქ. მიწადმოქმედების კომისარიატის სარძეო ფერმა.

ყველაზე უფრო მიმზიდველ და მომზიბლავ ადგილს გასერჩნებისათვის წარმოადგენს მთა ცხრა-წყარო, რომელიც ზღვის დონედან 2.683 მეტრის სიმაღლეზე მდებარეობს. აქედან საუცხოვო სანახაობა იშლება, ვინაიდან იგი გადაყურებს როგორც ბორჯომის ხეობას, ისე კავკასიონის თოვლით დაფარულ ქედს და აგრეთვე ჯავახეთის ვულკანურ ზეგანს მისი ჩამქრალი ვულკანებით და ტაბის-ყურის ტბით. არაჩვეულებრივ თვალწარმატაც სანახაობას წარმოადგენს მზის ამოსვლა და ჩასვლა.

მთა ცხრა-წყარო ბაკურიანიდან დაახლოებით 10 კილომეტრის მანძილზე მდებარეობს. ტურისტები ჩვეულებრივად ღამით ადიან ხოლმე მაღლობზე. ღამეს ათევენ მწვერვალის მახლობლად გზატკეცილზე გზათა სამმართველოს სახლში, ხოლო მწვერვალზე ადიან მზის ამოსვლისას. საუკეთესო დროთ მწვერვალზე ასვლისათვის ითვლება აგვისტოს 1-ლიდან 15-მდე.

ლიტერატურა.

1. ბ. უავრიშვილი.—ბორჯომის მხარე (კურნალი „თანამედროვე მედიცინა“, 1924 წ., № 5).
2. საქართველოს კურორტების ცნობარი. 1926 წ.
3. Захаров, С. А.—Почвенно-географический очерк горы Цхра-Цкаро и других окрестностей Боржома. 1913 г.
4. Джанишев, Г.—„Перл Кавказа“. 1900 г.



პოლიგრაფტრესტის მე-2 სტამბა, ლენინის ქუჩა, № 3.

მთავლიტი № 1372.

შეკვეთა № 11022.

ტირაჟი 3000.



